

PLAQUETTE DI UN DISCO DI ORO PA PLACENTERO RITMO Y CUERDE

Muy pronto cu CD y Cassette

ave nochi durante e di e festival di dande cu lo bay tuma lugar den club di Caiqueto, e revelacion di 91, Placentero Ritmo y Cuerde lo ricibi merecidamente nan plaquette di un disco di oro relaciona cu nan tremendo hit di Aña Paranda Placentero".

E importante plaquette aki wordo entrega dor di sr. Harry Croes cu ta e organisador di festival di dande pa Aña. E tremendo grupo aki actualmente ta bao direccion di Hemmy Croes, cu ta persona cu ta dedica mucha hopi tempo na e grupo. Tambe Mech Croes ta e promotor tras di e grupo aki.

Placentero Ritmo y Cuerde tambe a sa di conquista diferente premionan e.o. Festival Tipico, (tres biaha consecutivo), Premio Mo Rufo Wever añanan '84, '85, '86 y 1990. Tambe diferente premionan den festival di dande y festival 18 di Maart. Placentero Ritmo y Cuerde tambe a yega di rep-

resenta nos dushi baranca Aruba na diferente ocasionnan den exterior manera na Bonaire, Curacao y Venezuela.

Tur e presentacionnan aki tabata exitoso y nan a sa di tene Aruba su nomber na halto den loque ta trata nos cultura. Durante añanan cu a transcuri e grupo aki a logra di pone ariba plaza diferente produccionnan ariba plaza e.o. L.P cassettes y otro materialnan promocional manera canticanan pa dia di tata, dia di mama, dia di himno y bandera etc.

Muy pronto Placentero Ritmo y Cuerde lo bay tin nan prome compact disk ariba mercado. Tambe nan ta pidi nan fanaticonan y henter pueblo di Aruba pa carga un tiki pasenshi cu e C.D. y cassette nan pasobra dentro di poco dia nan lo ta na Aruba. E C.D. riba su mes lo ta hopi varia cu diferente tipo di musica pa diferente gusto. E tema promocional "Paranda Placentero" ta e unico cantica di pasco cu ta



apareciendo ariba e CD.

E otro piesanan ta piesanan bailable cu hopi dushi ritmo.

Mayoria di e piesanan aki ta piesanan nobo compone pa Robert Maduro y aregla pa Tico Kelly. Pa aña 1992 e

tremendo grupo aki tin plannan pa trece diferente produccionnan pa nos fiestanan tradicional y tambe produccionnan pa dia di mama, tata

etc. Tambe tin plannan pa graba e di dos compact disk cu hopi variacion, pero semper manteniendo nos cultura y idioma na prome lugar.

Ofertanan pa exterior tin hopi pero tur eseynan ainda ta den fase di negociacion. Cu e compact disk aki cu dentro di algun dia ta riba plaza Placentero Ritmo y Cuerde lo bay marca historia como e prome grupo tipico

pa realisa un C.D. Nan hit "Paranda Placentero" lo bay ta un piesa inmortal den temporada di fin di aña. DEN

AMBIENTE ta felicita e tremendo grupo aki pa nan fantastico logro, y ta deseanan un prospero aña 1992, tambe pa nan sigui produci mas

"PARANDA PLACENTERO" pa asina nos por keda DEN AMBIENTEEE !!!!

GRAN MUSICO ARUBANO REYMUNDO "TUTU" FIGAROA NA ARUBA

Specialmente pa Festival di Dande



Actualmente ta na Aruba e gran musico residencia na Hulanda Reymundo Figaroa mihor conoci como Tutu. Tutu no ta un desconoci den farandula na Aruba. E tabata forma parti di e popular banda pop High and Heavy. Despues e la bay forma parti pa Lirios Del Campo.

Na aña 1985 e la dicidi di bay biba na Hulanda caminda e ta studiando actualmente pa musica mas profundo, skirbi, lesa a primera vista. Fuera di studia lesnan priva e ta toca acordeon, vihuela, gitarron pa varios grupo. Dentro di 5 aña e lo termina e estudio aki.

Dos aña pasa Tutu tabata e rey di dande na Rotterdam caminda tur aña nan ta organisa festival di dande bao mando di Ovi Henriquez pa mantene e cultura di Aruba na Hulanda. E aña aki e la bin especial pa participa hunto cu su propio grupo den e festival

di dande cu lo bay tuma lugar awe nochi den club Caiqueto.

Tambe e lo bay duna un demostracion di acordeon pa muestra e juventud cu dande ta nos cultura y tambe pa e keda nos tradicion. DEN AMBIENTE ta desea TUTU hopi exito cu su estudio na Hulanda y tambe hopi suerte cu su grupo awe nochi den festival di dande y no lubida di canta AY DANDE BENEDICIONA DEN AMBIENTEEE !!!.

DEN AMBIENTE a capta ora mama di Tutu a bin na cas

di organisador Harry Croes especial pa tuma lot pa Tutu. Aki nan e ta liga e number 20. Esaki kiermeen cu Tutu y su grupo ta programa pa ta e di 20 participante pa e di 18 festival di dande awe nochi den club Caiqueto.



Esaki ta momento cu mama di Tutu a coy number 20 pa Tutu y su grupo participa den e festival di Dande.

Awe nochi Tutu lo bay duna un tremendo demostracion cu su acordeon.